

AKHBAR : BERITA HARIAN

TARIKH : 22 SEPTEMBER 2014

M/S : 26

26 NASIONAL

Berita Harian
22.9.2014 Nye 26

© ISNIN 22 SEPTEMBER 2014



Semak keputusan di portal rasmi SPA

» 28,000 individu lepasi ujian peperiksaan skim perkhidmatan awam Separa Perubatan

Oleh Nurul Fhatihah Zakinan
fhatihah@bh.com.my

Kuala Lumpur

Calon yang menduduki peperiksaan bertulis bagi memasuki skim perkhidmatan awam Separa Perubatan, Sabtu lalu boleh menyemak status keputusan di portal rasmi Suruhanjaya Perkhidmatan Awam (SPA) pada jam 12 tengah hari, hari ini.

Pengerusi SPA, Tan Sri Mah-

mood Adam, berkata setakat pagi semalam, seramai 28,000 daripada lebih 40,000 calon dilaporkan berjaya melepas ujian peperiksaan berkenaan bagi mengisi jawatan bertaraf diploma itu seperti latihan jururawat, juru x-ray, penolong pegawai farmasi dan penolong pegawai perubatan.

Masalah teknikal dikesan

Katanya, walaupun terdapat masalah teknikal dikesan ketika peperiksaan atas talian bermula pada jam 10 pagi bagi Seksyen A (Pengetahuan Am) selama 40 mi-

nit dan pada 10.55 pagi bagi Seksyen B (Ujian psikometrik) yang berakhir pada jam 11.15 pagi, pihaknya berjaya mengatasinya dengan segera pada waktu yang sama.

"Saya pelik juga ada gangguan berlaku ketika peperiksaan itu berlangsung. Kita ada 58 server yang mana setiap satu dibuka untuk 1,500 talian.

"Namun, kita berjaya mengatasi masalah itu dan membekalkan calon menduduki semua peperiksaan pada jam 12.30 tengah hari pada hari sama.

"Bagaimanapun, hanya kertas soalan di Seksyen B sahaja dibuka kerana Seksyen A tidak menghadapi masalah," katanya ketika dihubungi di sini, semalam.

40,000 duduki peperiksaan

Menurut kenyataan yang dikeluarkan SPA menerusi portal rasminya, lebih 40,000 calon menduduki peperiksaan berkenaan dengan jayanya termasuk 30 calon yang berada di 16 negara termasuk Singapura, Indonesia, India, Korea Selatan, dan Amerika Syarikat.

MUKA 28 • UTUSAN MALAYSIA

Dalam Negeri

Utusan Malaysia

ISNIN 22 SEPTEMBER 2014

22.9.2014 M/28

Akademik cemerlang bukan jaminan kerja jabatan kerajaan

ALOR SETAR 21 Sept. - Keputusan akademik cemerlang semata-mata bukan lagi jaminan untuk mana-mana individu memegang status selaku penjawat awam memandangkan persaingan untuk mendapatkan tempat ketika ini adalah cukup sengit.

Setiausaha Suruhanjaya Perkhidmatan Awam (SPA), Datuk Ramli Juhari berkata, penilaian pihaknya mendapati terlalu ramai pemohon memiliki keputusan akademik baik menyebabkan ada di antara mereka yang gagal memperoleh tempat biarpun sudah banyak kali ditemuduga.

"Ada yang marah-marah dan mempersoalkan mengapa sudah lapan kali ditemuduga tetapi masih tidak diterima. Kami mahu beritahu, keputusan akademik ketika ini bukan lagi jaminan kerana ia turut perlu disertakan dengan sikap yang betul serta nilai-nilai tambah termasuk kokurikulum.

"Saingan untuk menyertai perkhidmatan awam ketika ini lebih kompetitif di mana kita turut berjaya menarik minat pekerja swasta untuk memohon. Disebabkan itu persediaan dari segi fizikal dan mental adalah amat penting sebelum menjalani peperiksaan dan temuduga," katanya.

Beliau berkata demikian dalam sidang akhbar selepas menyempurnakan Majlis Penyerahan Surat Tawaran Pelantikan dan Urusan Perkhidmatan di Wisma Persekutuan di sini hari ini.

Selain penyerahan surat tawaran dan pelantikan tersebut, beliau turut mengambil kesempatan mengadakan sesi dialog bersama beberapa pemohon yang mengikuti Kursus Tip dan Panduan Memasuki Perkhidmatan Awam di tempat sama.

Ramli menambah, sejak Januari sehingga Ogos tahun ini, terdapat 1.4 juta permohonan diterima dihakimnya dengan

115,007 daripadanya dipanggil untuk ditemuduga dan hanya 21,381 dilantik menjadi penjawat awam.

Jumlah permohonan itu, katanya, dijangka akan terus meningkat kepada 2.5 juta pada penghujung tahun ini dengan peningkatan lebih 300,000 pemohon berbanding tahun lalu sedangkan kekosongan jawatan yang ada dijangkakan ha-

nyalah sekitar 60,000 hingga 80,000.

"Hari ini ramai yang melihat tugas sebagai penjawat awam mempunyai pelbagai kelebihan seperti gaji, perubatan dan keistimewaan melanjutkan pelajaran.

"Buat para pemohon, saya menasihatkan supaya mereka memohon jawatan yang sesuai dengan kelayakan. Kedua-dua, pastikan persediaan anda mencukupi termasuk dengan menghadiri kursus-kursus," katanya.

Ada yang marah-marah dan mempersoalkan mengapa sudah lapan kali ditemuduga tetapi masih tidak diterima. Kami mahu beritahu, keputusan akademik ketika ini bukan lagi jaminan kerana ia turut perlu disertakan dengan sikap yang betul serta nilai-nilai tambah termasuk kokurikulum



RAMLI JUHARI

RAMLI JUHARI

Setiausaha Suruhanjaya Perkhidmatan Awam

AKHBAR : KOMSO
TARIKH : 22 SEPTEMBER 2014
M/S : 18

SPA jangka 2.5 juta mohon kerja dalam sektor awam tahun ini

ALOR SETAR - Suruhanjaya Perkhidmatan Awam (SPA) menjangka permohonan untuk menyertai sektor kerajaan akan meningkat kepada 2.5 juta orang menjelang penghujung tahun ini.

Setiausaha SPA, Datuk Ramli Juhari berkata, setakat lapan bulan pertama tahun ini, jumlah permohonan tersebut telah mencecah 1.4 juta.

Beliau berkata, daripada jumlah itu, sebanyak 1.1 juta permohonan diterima melibatkan kaum Melayu, bumiputera Sabah (109,075), bumiputera Sarawak (79,553), India (49,961), Cina (27,044) dan lain-lain (28,950).

"Kita jangka permohonan pada tahun ini akan meningkat iaitu mencecah 2.5 juta berbanding 2.12 juta pada tahun lalu.

"Peningkatan permohonan juga dijangka melibatkan masyarakat Cina dan India," katanya.

Beliau berkata demikian pada sidang akhbar selepas majlis Penyerahan Surat Tawaran Pelantikan dan Urusan Perkhidmatan serta Kursus Tips dan Panduan Memasuki Perkhidmatan Awam di Pusat Temuduga SPA di Wisma Persekutuan di sini semalam.

Ramli berkata, sebanyak 21,381 permohonan telah dilantik mengisi kekosongan



RAMLI (depan, kanan) berkongsi kegembiraan bersama calon yang berjaya mendapat surat tawaran kerja di Pusat Temuduga SPA di Alor Setar, Kedah semalam.

jawatan sehingga bulan lalu.

"Kalau ikut trend, kekosongan jawatan pada tahun ini adalah sekitar 60,000 hingga 70,000 tetapi jika mengambil kira kakitangan yang bersara pada usia 60 tahun, kekosongan jawatan mungkin boleh men-

cecah hingga 80,000.

"Permohonan untuk berkhidmat sebagai kakitangan awam kini semakin kompetitif kerana tawaran gaji lumayan serta kemudahan lain seperti perubatan," katanya.

Kosmo
22.9.2014
YS18

AKHBAR : NEW STRAITS TIMES

TARIKH : 22 SEPTEMBER 2014

M/S : 10

NST 22.9.2014

PSC says more non-Bumis apply for govt jobs

m/s 10

ALOR STAR: The Public Service Commission (PSC) has lauded the increasing numbers of non-Bumiputeras applying for government positions which is a healthy sign of growing confidence in the public sector's impartiality in its selection process.

Its secretary, Datuk Ramli Juhari, said for the first eight months of this year, PSC had received 1.4 million applications, of which 27,044 were from Chinese and 49,961 from Indians.

Ramli said the trend showed that the confidence among the non-Bumiputeras in PSC's objectivity in selecting qualified candidates regardless of their racial background was improving.

"Last year, we received a total of 2.1 million applications of which 44,633 were from Chinese and 75,361 from Indians,

"This proves that more non-Bumiputeras are applying for government posts," he said after handing over appointment letter and confirmation of appointment for civil servants at Wisma Persekutuan here yesterday.

Ramli said 4,195 Chinese applicants and 3,298 Indian applicants had attended the interview sessions and more than half of them were successful in getting jobs.

Before this, the general perception among non-Bumiputera applicants was that their chances of being selected for a government job was slim.

"However, the situation is improving as more Chinese and Indian applicants realise the benefits of joining the public service in terms of salary and other benefits."

Ramli said PSC had projected to receive more than 2.5 million applications this year, with a greater number of Chinese and Indians applicants as compared with the numbers of last year.